



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Ecclesiae Paderbornensis

Dietrich <Paderborn, Bischof>

Paderbornae, 1602

De Festis mobilibus.

urn:nbn:de:gbv:23-drucke/s-483a-2f-helmst3

Explicatio Calendarii

28. quod remanet, est Cyclus Solaris; & si ex divisione nihil remanet, tum Cyclus Solaris erit 28. Vt si queratur Aureus numerus Cycli Solaris anni 1602. huic numero adde 9. & fient 1611. quæ diuide in 28. & remanebunt 15. Cyclus videlicet Solaris anni 1602. Rursus si cupias scire numerum Cycli Solaris anni 1615, adde 9. & fient 1624. quem numerum diuide per 28. reperiesq; nihil superesse. Anno igitur 1615. numerus Cycli Solaris erit 28. & sic de cæteris.

TABELLA CYCLI SOLARIS ET LITTERARVM Dominicalium, ab anno 1699. vsq; ad annum 1699. inclusiue.

Cycl. Sol.	12.	13.	14.	15.	16.	17.	18.	19.	20.	21.	22.
Literæ Do- minicales.	C.	B.	G.	F.	E.	D.	B.	A.	G.	F.	D.
		A.			C.				E.		
Cycl. Sol.	23.	24.	25.	26.	27.	28.	1.	2.	3.		
Literæ Do- minicales.	C.	B.	A.	F.	E.	D.	C.	A.	G.		
			G.				B.				
Cycl. Sol.	4.	5.	6.	7.	8.	9.	10.	11.			
Literæ Do- minicales.	F.	E.	C.	B.	A.	G.	E.	D.			
		D.				F.					

DE FESTIS MOBILIBVS.

Quoniam ex Decreto sacri Concilij Niceni, Pascha ex quo reliqua festa mobilia pendent, celebrari debet die Dominico, qui proxime succedit decimæ quartæ Lunæ primi mensis; primus autem mensis apud Hebræos est is, cuius decima quarta Luna, vel cadit in diem verni æquinoctij, (quod die 21. Martij contingit) vel ipsum propius sequitur; proinde inuenta Epacta anni, & littera Dominicali iuxta præcedentium doctrinam, eam quære in Calendario inter diem octauum Martij inclusiue, & quintum diem Aprilis inclusiue, (huius enim Epactæ decima quarta Luna cadit vel in diem æquinoctij verni, hoc est 21. Martij, vel ipsum propius sequitur) & ab ea inclusiue descendo numera dies quatuordecim, & proximus dies Dominicus diem hunc 14. sequens (ne cum Iudæis conueniamus si forte dies 14. Lunæ

* * *

caderet

Explicatio Kalendarij.

caderet in diem Dominicum) erit dies Paschæ. Exemplum: Anno 1599. Epacta est 4. & littera Dominicalis **C.** quæ igitur hanc Epactam 4. in Calendario inter octauum diem Martij inclusiue & quintum Aprilis inclusiue inuenioq; eã esse regione diei 27. Martij, à qua inclusiue deorsum versus, numero dies quatuordecim, vt habeam decimam quartam Lunam, quam video cadere in 9. Aprilis, post quem diem prima littera Dominicalis **C.** reperietur e regione diei 11. eiusdem Aprilis. Pascha ergo anno 1599. celebrandum erit 11. Aprilis.

Rursus, anno sequente 1600. Epacta est 15. & duplex littera Dominicalis **B. A.** cum annus ille sit bissextilis. Si igitur ab Epacta 15. quæ est e regione diei 16. Martij, & quia tunc currit posterior littera Dominicalis nempe **A.** quæ post diem 29. Martij, id est, post 14. Lunam collocata est e regione diei 2. Aprilis, celebrabitur Pascha, die 2. Aprilis. Item anno 1605. Epacta erit 10. & littera Dominicalis **B.** & quoniam inuenitur hæc Epacta 10. e regione diei 21. Martij, à quo si inclusiue deorsum versus numerentur, dies 14. cadet decima quarta Luna in 3. diem Aprilis, qui est Dominicus dies; ne igitur cum ludæis conueniamus, qui Pascha celebrant decima quarta Luna, sumenda est littera Dominicalis **B.** quæ sequitur decimam quartam Lunam, nempe ea, quæ e regione diei 10. Aprilis collocatur. Atq; idè Pascha anno 1605. celebrandum erit die 10. Aprilis.

Inuento igitur die Paschæ sic reliqua festa mobilia inuestigabis. In nona Dominica à te Pascha, pone Dominicam Septuagesimæ; in octaua, Dominicam Sexagesimæ; in septima Dominicam Quinquagesimæ; & feria quarta sequente diem Cinerum; quem sequuntur sex Dominice Quadragesimæ suo quæq; ordine. Post festum vero Paschæ, Dominica quinta erit Rogationum, & proximè sequenti feria quinta celebratur festum Ascensionis. Septima autem Dominica post Pascha, erit dies Pentecostes, cui statim succedit Dominica Trinitatis, & sequenti feria quinta festum corporis Christi.

Explicatio Kalendarij.

sti. Dominica autem prima Aduentus semper illa est; qua propinquior est festo B. Andree Apostoli.

Numerum autem Dominicarum inter Aduentum & Dominicam Trinitatis ita breuissimè colliges. Vide quot sint Dominice post Pascha, vsq; ad festum S. Georgij inclusiue (quod cadit in 23. Aprilis) & tot Dominicas adde Dominicis 23 post Trinitatem, & habebis numerum Dominicarum inter festum Trinitatis & Aduentum. Si vero nulla Dominica sequatur diem Pasche, vsq; ad dictum festum inclusiue, vel ipse dies Pascha cadit in illud festum, erunt tunc 23. Dominice. Si deniq; Pascha celebretur post idem festum, erunt Dominice inter Pentecosten & Aduentum Domini, viginti duę duntaxat.

Quod si absq; mora vlla hæc cupias cognoscere, ingredi tabellam sequentem generalem & perpetuam: & in cellula literę Dominicalis quere Epactam, & directè in linea Epactę, à læua versus dexteram progrediendo omnia festa mobilia deprehendes. Animaduertendum tamen in annis bissextilibus, cum post festum B. Matthię litera Dominicalis posterior sumatur, quoties Septuagesima & dies Cinerum inuentę fuerint, in Ianuario & Februario, numero dierum vnum diem adici oportere.



TABVLA